



MØTEINNKALLING

Utval: Valstyret
Møtedato 25.05.2023
Møtetid: Kl. 15:00
Møtestad: Kommunehuset

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
007/2023	23/270	Godkjenning av innkalling og sakliste	
008/2023	23/270	Faste saker	
009/2023	22/73	Val av oppteljingsmåte ved valtinget – Kommunestyre- og fylkestingsvalet 2023	
010/2023	22/73	Fullmakt til oppnemning av røystemottakarar til førehandsrøystinga ved kommunestyre- og fylkestingsvalet 2023	
011/2023	22/73	Prøving av førehandsrøystegjevingar ved kommunestyre- og fylkestingsvalet 2023	
012/2023	22/73	Godkjenning av listeframlegg - Kommunestyrevalet 2023	



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/270	Løpenr: 23/2816
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	007/2023

Godkjenning av innkalling og sakliste

Rådmannen sitt framlegg til vedtak:

- Innkalling og sakliste vert godkjent.



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/270	Løpenr: 23/4748
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	008/2023

Faste saker

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Spørsmål.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/3224
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	009/2023

Val av oppteljingsmåte ved valtinget – Kommunestyre- og fylkestingsvalet 2023

Rådmannen sitt framlegg til vedtak:

I Samnanger kommune blir røystesetlane frå valtinget ved kommunestyre- og fylkestingsvalet 2023 samla og talde sentralt samla på kommunehuset på Tysse.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)
- Valhandboka
(<https://www.regjeringen.no/no/tema/valg-og-demokrati/den-norske-valgordningen/valghandboken/id463405/>)

Oppsummering:

Det går fram av § 10-4 i vallova at valstyret er ansvarleg for oppteljing av røystesetlane ved val. Valstyret må bestemma kva oppteljingsmåte som skal nyttast ved kommunestyre- og fylkestingsvalet i Samnanger i 2023. Rådmannen foreslår å bruka den same oppteljingsmåten i 2023 som ved tidlegare val, det vil seia at røystesetlane blir talde samla på kommunehuset på Tysse.

Saksopplysningar:

Bakgrunn for saka:

Reglar om prinsipp for oppteljing av røystesetlar står i vallova § 10-4. I tillegg står det utfyllande reglar i Kommunal- og distriksdepartementet si valhandbok. Det er valstyret som bestemmer korleis oppteljinga skal gjerast.

Fakta grunnlag, problemskildring og moglege løysingar:

Vallova § 10-4:

- (1) Valgstyret er ansvarlig for opptelling av stemmesedler. Opptellingen foretas av de personer og på den måten valgstyret har bestemt.
- (2) Særskilt opptelling av stemmesedler kan bare foretas dersom den delen eller de delene av manntallet opptellingen gjelder, inneholder minst 100 navn.
- (3) Ved fylkestingsvalg og kommunestyrevalg skal stemmesedlene telles opp hver for seg. Stemmesedlene kan telles opp samtidig, forutsatt at dette ikke fører til forsinkelse av valgoppgjøret ved fylkestingsvalget.
- (4) Stemmesedler avgitt på forhånd og stemmesedler avgitt på valginget skal telles hver for seg.
- (5) Stemmesedlene skal telles opp i to omganger, ved en foreløpig og en endelig opptelling.

Valstyret kan velja mellom følgjande tre alternativ for oppteljing av valtingsrøystene (det vil seia røyster som er avgitte på valdagen):

1. **Sentralt – samla**
Alle røystesetlane blir samla og talde samla (ikkje fordelt på røystekrins).
2. **Sentralt – fordelt på røystekrins**
Alle røystesetlane blir talde sentralt, men kvar røystekrins blir tald for seg.
3. **Lokalt – fordelt på røystekrins**
Røystestyret i kvar røystekrins tel røystesetlane ute i dei ulike røystelokala.

Røystesetlane frå førehandsrøystinga i Samnanger må teljast sentralt og samla, då desse blir samla i urnene og det ikkje er mogleg å knyta røystesetlane til dei ulike røystekrinsane.

Det har i mange år vore praksis ved val i Samnanger å telja røystesetlane frå valtinget sentralt (på kommunehuset) og samla (ikkje fordelt på røystekrins).

Uttalar frå andre:

Det er ikkje henta inn uttalar frå andre i arbeidet med denne saka.

Vurderingar og konsekvensar:

Som nemnt ovanfor i saksframlegget, har det vore vanleg i Samnanger å telja valtingsrøystene sentralt og samla. Dette er ein teljemåte som har fungert godt, og som dei involverte er godt kjende med. Røystestyra leverer røystesetlane på kommunehuset etter at røystelokala har stengt, og eit teljekorps på kommunehuset står så for oppteljinga.

Dersom valstyret vel å endra teljemåte, vil dette krevja meir opplæring ute i røystestyra. Teljemåten **Lokalt – fordelt på røystekrins** vil også krevja at røystestyra sjølv registrerer røystene direkte inn i valsystemet EVA. Dette har dei ikkje erfaring med, og dette vil også krevja opplæring. Rådmannen si vurdering er at oppteljingsmåten **Lokalt – fordelt på røystekrins** ikkje vil vera føremålstenleg i Samnanger. Denne oppteljingsmåten vil krevja ein god del opplæring i røystestyra, og ekstraarbeid for valadministrasjonen. Rådmannen kan heller ikkje sjå at det vil vera nokon spesielle fordelar med å bruka denne oppteljingsmåten i Samnanger.

Skilnaden på oppteljingsmåtene **Sentralt – fordelt på røystekrins** og **Sentralt – samla**, er at me med det første alternativet vil få vita fordelinga av valtingsrøyster både samla for heile kommunen og for kvar røystekrins. Med oppteljingsmåten **Sentralt – samla**, får me berre vita fordelinga av valtingsrøyster samla for heile kommunen.

Det vil vera minst arbeidskrevjande for valadministrasjonen å bruka oppteljingsmåten **Sentralt – Samla**.

Rådmannen er ikkje kjent med at det tidlegare har kome kritikk mot at valtingsrøystene i Samnangar blir talde samla (ikkje fordelt på røystekrins). I og med at førehandsrøystene i Samnanger blir talde samla, vil me uansett oppteljingsmåte for valtingsrøystene ikkje kunne få ut eit samla valresultat fordelt på røystekrins. Rådmannen kan ikkje sjå at det er sterke argument for å telja valtingsrøystene fordelt på røystekrins.

Konklusjon:

Rådmannen tilrår at oppteljingsmåten for valtingsrøystene blir den same ved valet i 2023 som ved dei føregåande vala i Samnanger. Dette vil seia at rådmannen tilrår alternativet **Sentralt – samla**.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/4346
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	010/2023

Fullmakt til oppnemning av røystemottakarar til førehandsrøystinga ved kommunestyre- og fylkestingsvalet 2023

Rådmannen sitt framlegg til vedtak:

Valstyret gir rådmannen fullmakt til å oppnemna røystemottakarar til tidleg- og førehandsrøystinga ved kommunestyre- og fylkestingsvalet 2023. Fullmakta blir gjeven med heimel i vallova § 8-2 første ledd bokstav a.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)
- Valhandboka
(<https://www.regjeringen.no/no/tema/valg-og-demokrati/den-norske-valgordningen/valghandboken/id463405/>)

Oppsummering:

Det må oppnemnast eit tilstrekkeleg tal røystemottakarar til tidleg- og førehandsrøystinga i Samnanger ved kommunestyre- og fylkestingsvalet 2023. Ved tidlegare val i Samnanger har røystemottakarane blitt oppnemnde av valstyret. Rådmannen foreslår at valstyret gir rådmannen fullmakt til å oppnemna røystemottakarar til tidleg- og førehandsrøystinga ved årets val.

Saksopplysningar:

Bakgrunn for saka:

Perioden for ordinær førehandsrøysting ved kommunestyre- og fylkestingsvalet 2023 er 10. august – 8. september. I tillegg er det høve til tidlegrøysting i perioden 1. juli – 9. august.

Vallova § 8-2 seier følgjande om kven som kan ta imot førehandsrøyster:

§ 8-2. Hvem kan motta forhåndsstemmer

- (1) Som stemmemottaker innenriks fungerer
 - a. stemmemottakere oppnevnt av valgstyret.
 - b. Sysselmeisteren på Svalbard. Sysselmeisteren kan oppnevne andre stemmemottakere.
 - c. på Jan Mayen den departementet bestemmer.
- (2) Som stemmemottaker utenriks fungerer
 - a. utenriktjenestemann ved lønnet norsk utenriksstasjon. Etter særskilt bemyndigelse fra Utenriksdepartementet kan stemmegivning også foregå hos utenriktjenestemann ved ulønnet norsk utenriksstasjon. Stasjonssjefen kan når det finnes påkrevd, oppnevne en eller flere av stasjonens funksjonærer til å motta forhåndsstemmer.
 - b. stemmemottakere oppnevnt av departementet dersom stemmegivningen foregår andre steder enn det som fremgår av bokstav a.
- (3) Kandidat som er oppført på valgliste ved kommunestyrevalget, kan ikke oppnevnes til stemmemottaker i vedkommende kommune. Kandidat som er oppført på valgliste ved stortingsvalget eller fylkestingsvalget, kan ikke oppnevnes til stemmemottaker i kommunene i vedkommende valgdistrikt.
- (4) Dersom en velger som oppholder seg utenfor riket ikke har mulighet til å oppsøke en stemmemottaker, kan vedkommende avgi stemme ved brevpost uten at en stemmemottaker er til stede ved stemmegivningen.

Vallova § 8-1 femte ledd seier følgjande om mottak av førehandsrøyster:

- (5) Ved forhåndsstemmegivningen innenriks, unntatt på Svalbard og Jan Mayen, skal det fra 10. august være minst to stemmemottakere til stede ved mottak av forhåndsstemmer.

I punkt 10.6.1 i Kommunal- og distriktsdepartementet si valhandbok er det presisert at kravet om at det skal vera to røystemottakarar til stades ved røystegjevinga, berre gjeld i den ordinære førehandsrøysteperioden. Kravet gjeld ikkje ved tidlegrøysting.

Det er behov for å oppnemna eit tilstrekkeleg tal førehandsrøystemottakarar til årets val, slik at det i førehandsrøystingsperioden alltid er minst to oppnemnde førehandsrøystemottakarar til stades i opningstida på kommunehuset.

Faktagrunnlag, problemskildring og moglege løysingar:

Ved tidlegare val i Samnanger har valstyret sjølv oppnemnt røystemottakarar til tidleg- og førehandsrøystinga. Etter § 8-2 i vallova ligg dette myndet til valstyret, men på same måte som for mange andre oppgåver som etter vallova ligg til valstyret, kan valstyret delegera dette myndet. Moglege alternativ kan vera at valstyret delegerer dette myndet til leiaren i valstyret, eller til rådmannen.

Som røystemottakarar til tidleg- og førehandsrøystinga blir vanlegvis dei fleste tilsette på kommunehuset oppnemnt. Dette har vorte gjort for å unngå risiko for at veljarar ikkje får avgitt førehandsrøyst i kommunehuset si opningstid fordi det ikkje er to røystemottakarar til stades. Det er tilsette ved servicesenteret på kommunehuset som normalt tek imot førehandsrøyster, men det vil ikkje alltid vera to tilsette til stades på servicesenteret. Derfor må i ein del tilfelle andre tilsette på kommunehuset vera røystemottakar nummer to.

Nokon av dei oppnemnde førehandsrøystemottakarane vil få tilgang til det elektroniske valadministrasjonssystemet EVA. Dei vil også få opplæring i korleis førehandsrøyster skal registrerast der. Dette vil primært gjelda for tilsette ved servicesenteret.

Rolla til dei andre førehandsrøystemottakarane vil vera at dei ved behov kan vera røystemottakar nummer to («vitne»). Desse treng ikkje tilgang til EVA og heller ikkje noko opplæring. Det er viktig å ha mange nok personar i denne kategorien.

Uttalar frå andre:

Det er ikkje henta inn uttalar frå andre i samband med arbeidet med denne saka.

Vurderingar og konsekvensar:

Vurderingar:

Rådmannen foreslår at valstyret gir rådmannen fullmakt til å oppnemna røystemottakarar til tidleg- og førehandsrøystinga ved årets val. Dette vil vera ei meir fleksibel løysing enn om valstyret sjølv skal oppnemna røystemottakarane. Rådmannen vil då vurdere kor mange av dei tilsette på kommunehuset som i første omgang skal oppnemnast som røystemottakarar, og han vil undervegs i førehandsrøystingsperioden kunne oppnemna fleire ved behov.

Konsekvensar:

Dersom valstyret gir rådmannen fullmakt til å oppnemna røystemottakarar til tidleg- og førehandsrøystinga, vil valstyret ikkje ha moglegheit til å avgjera konkret kva personar som skal oppnemnast. I praksis vil dette truleg vera lite problematisk. Valstyret har ved tidlegare val ikkje gjort nokon endringar i forhold til rådmannen sitt framlegg om kva personar som skal oppnemnast.

Ordninga som rådmannen foreslår ved årets val, vil som nemnt ovanfor vera ei meir fleksibel ordning enn tidlegare. Dersom det blir behov for å supplera lista over røystemottakarar undervegs i tidleg- eller førehandsrøysteperioden, vil dette kunne gjerast utan at valstyret må koma saman og gjera vedtak.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/4337
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	011/2023

Prøving av førehandsrøystegjevingar ved kommunestyre- og fylkestingsvalet 2023

Rådmannen sitt framlegg til vedtak:

Rådmannen får fullmakt til å prøva alle tidleg- og førehandsrøystegjevingar ved kommunestyre- og fylkestingsvalet i Samnanger i 2023. Fullmakta kan vidaredelegerast.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)

Saksopplysningar:

Bakgrunn for saka:

Ved val vel alltid nokre veljarar å førhandsrøysta i ein annan kommune enn den kommunen dei er manntalsførte i. Dette kan gjerast enten i perioden for tidlegrøysting, eller i den ordinære perioden for førehandsrøysting. Slike røystesetlar blir sende til heimkommunen til veljaren i konvolutt. Røystegjevingar som kommunen mottek i konvolutt må registrerast og prøvast. Dette blir gjort i EVA, som er det sentrale IT-systemet som blir brukt ved førebuing og gjennomføring av val i Noreg.

Alle førehandsrøystegjevingane som er mottekne i konvolutt, må prøvast før dei kan endeleg godkjennast og teljast. Prøvinga må gjerast før avkryssingsmanntalet vert produsert. Ved årets val må dette gjerast etter at førehandsrøysteperioden sluttar fredag 8. september og før vallokala opnar på valdagen måndag 11. september.

Sjølve røystesetlane blir ikkje talde ved prøvinga av førehandsrøystegjevingar. Dette blir ikkje gjort

før på valdagen.

Faktagrunnlag, problemskildring og moglege løysingar:

Mynde til prøving av førehandsrøystegjevingar ligg i utgangspunktet til valstyret, men valstyret kan delegera dette myndet.

Vallova § 10-1:

§ 10-1. Valgstyrets godkjenning av forhåndsstemmegivning avgitt i stemmeseddelkonvolutt

- (1) En forhåndsstemmegivning skal godkjennes dersom
 - a. velgeren er innført i manntallet i kommunen,
 - b. stemmegivningen inneholder tilstrekkelige opplysninger til å fastslå hvem velgeren er,
 - c. stemmegivningen er avgitt til rett tid,
 - d. stemmegivningen er levert til rett stemmemottaker med mindre den er avgitt som brevstemme,
 - e. omslagskonvolutten ikke er åpnet eller forsøkt åpnet,
 - f. velgeren ikke har avgitt godkjent stemmegivning og
 - g. stemmegivningen er kommet inn til valgstyret innen kl. 17 dagen etter valgdagen.
- (2) Velgerens stemmegivning er godkjent når vedkommende er krysset av i manntallet.
- (3) Forhåndsstemmegivningene skal godkjennes før valgdagen i den utstrekning det er mulig.

Moglege alternativ for prøving av førehandsrøystegjevingar:

1. Valstyret prøver førehandsrøystegjevingane
2. Valstyret gir leiaren i valstyret fullmakt til å prøva førehandsrøystegjevingane
3. Valstyret gir rådmannen (administrasjonen) fullmakt til å prøva førehandsrøystegjevingane

Vurderingar og konsekvensar:

Ved tidlegare val i Samnanger har administrasjonen (rådmannen) fått fullmakt til å prøva alle førehandsrøystegjevingar. Rådmannen foreslår at valstyret gir slik fullmakt også ved årets kommunestyre- og fylkestingsval. Fullmakta bør gjevast til rådmannen, som kan vidaredelegera ho.

Rådmannen kan ikkje sjå at det er vektige grunnar til at oppgåva med prøving av førehandsrøystegjevingar ikkje blir delegert til rådmannen. Ei slik løysing vil også spara valstyret for arbeid.



SAKSFRAMLEGG

Sakshandsamar: Marianne Soleng	Arkivkode: FE-010
Arkivsaksnr: 22/73	Løpenr: 23/4363
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	012/2023

Godkjenning av listeframlegg - Kommunestyrevalet 2023

Rådmannen sitt framlegg til vedtak:

Listeframlegg frå Samnanger Arbeiderparti (org.nr 999 088 066), Bygdalista i Samnanger (org.nr. 999 292 488), Høgre Samnanger (org.nr. 999 084 974), Miljøpartiet Dei Grøne Samnanger (org.nr. 927 096 447), Samnanger Frp (org.nr. 995 489 007), Samnanger Krf (org.nr. 924 960 299), Samnanger Inp (industri- og næringspartiet) (org.nr. 930 915 521) og Samnanger Senterparti (org.nr. 998 377 714) vert godkjent slik dei ligg føre jf. Vallova § 6-6.

Dokument som er vedlagt:

Alle listeframlegg inkl. merknadar frå valansvarleg
Listeframlegg Samnanger Høgre
Listeframlegg Samnanger Framstegsparti
Listeframlegg Samnanger Kristeleg Folkeparti
Listeframlegg Samnanger Arbeiderparti
Listeframlegg Miljøpartiet Dei Grøne Samnanger
Listeframlegg Samnanger INP - Industri- og næringspartiet
Listeframlegg Samnanger Senterparti
Listeframlegg Bygdalista

Dokument som ikkje er vedlagt:

Vallova med forskrift
Valhandboka
Erklæring om fritak frå listekandidat

Saksopplysningar:

Valstyret må ta stilling til listeframlegga seinast 1.juni, jf. Valgoven §6-6 (2).

Valstyret skal undersøkje om dei listeframlegga som innleverte, fyller krava i lova, under dette om framleggsstillarane og kandidatane oppfyller krava i valgoven, jf. § 6-6.

Dersom eit listeframlegg ved innleveringa ikkje er i samsvar med krava i lova må valstyret gjennom forhandlingar med den tillitsvalde arbeide for å dette på plass, jf. valgloven § 6-6 (3).

Dersom det viser seg at ein kandidat ikkje kan veljast, eller at han/ho blir friteken, skal kandidaten strykast av lista. I slike tilfelle avgjer den tillitsvalde for lista om det skal setjast inn ein ny kandidat på den ledige plassen, jf. § 15 2.ledd i valgforskriften. Alternativt kan lista supplerast med eit nytt namn nedst, slik at dei andre kandidatane rykkjer opp i uendra rekkjefølgje

Det følgjer av § 15 (1) i valgforskriften at når innleveringsfristen har gått ut, kan framleggsstillarane berre gjere dei endringane på listeframlegget som er nødvendige for å bringe framlegget i samsvar med valgloven og forskrifta til denne lova.

Dei godkjende listene kan leggjast ut på internett, med den informasjon om kandidatane som er oppført på listeforslaga og godkjent av valstyret. (jf. valghandboken pkt.7.8)
Dette kan i tillegg til kandidatnamn og fødselsår, vere informasjon om adresse og/eller yrke.

Seinast same dato skal dei godkjende listeframlegga (dei offisielle vallistene) leggjast ut til gjennomsyn, jf. valgloven § 6-7. Valstyre må ut frå denne regelen også sørgje for at overskriftene på dei godkjende listeframlegga blir kunngjorde. Det skal samstundes informerast om kvar listene er lagde ut og kvar publikum kan gjere seg kjent med dei. Det er opp til valstyret/fylkesvalstyret å avgjere kvar listene skal leggjast ut.

Valansvarleg har sjekka at listeframlegga fyller krava i lovverket og kontrollert at alle kandidatane på listeframlegga er valbare. Dei tillitsvalde har vorte kontakta der dette har vore naudsynt.